



BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
GRAD SARAJEVO
OPĆINA CENTAR SARAJEVO
OPĆINSKI NAČELNIK

**PRAVILNIK
O KRITERIJIMA I RASPODJELI NOVČANIH SREDSTAVA ZA DODJELU
STALNE POMOĆI BORAČKOJ POPULACIJI U STANJU SOCIJALNE POTREBE**

Juli, 2022.godine

Na osnovu člana 15. Zakona o principima lokalne samouprave u Federaciji Bosne i Hercegovine ("Službene novine Federacije BiH " broj 49/06 i 51/09), člana 25. Statuta Općine Centar Sarajevo- prečišćeni tekst ("Službene novine Kantona Sarajevo", broj 23/04), i člana 171. Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo" broj: 38/14- Prečišćeni tekst, 38/16, 44/17 i 28/18), Općinski Načelnik donosi:

**PRAVILNIK
O KRITERIJIMA I RASPODJELI NOVČANIH SREDSTAVA ZA DODJELU STALNE NOVČANE
POMOĆI BORAČKOJ POPULACIJI**

DIO PRVI- OSNOVNE ODREDBE

**Član 1.
(Kriterij i način dodjele)**

Ovim Pravilnikom o kriterijima i raspodjeli novčanih sredstava za dodjelu stalne novčane pomoći boračkoj populaciji (u daljem tekstu: Pravilnik) utvrđuju se uvjeti i način ostvarivanja prava na stalnu novčanu pomoć boračkoj populaciji u stanju socijalne potrebe.

**Član 2.
(Korisnici i cilj)**

Cilj lokalne zajednice je da kroz djelovanje u sistemu socijalne zaštite izdvajanjem budžetskih sredstava stvori bolje uvjete za kvalitetniji život boračke populacije te poboljša njihov položaj u društvu.

DIO DRUGI- OSTVARIVANJE PRAVA

**Član 3.
(Nadležnost)**

Poslove u vezi ostvarivanja prava propisanih ovim Pravilnikom obavlja općinska služba nadležna za poslove iz oblasti boračko invalidske zaštite.

**Član 4.
(Definicija stanja socijalne potrebe)**

Socijalnom potrebom u smislu zakona smatra se trajno ili privremeno stanje u kome se nalazi određeno lice ili porodica, prouzrokovano ratnim događajima, elementarnim nesrećama, opštom ekonomskom krizom ili drugih razloga, koji se ne mogu otkloniti bez pomoći drugog lica.

**Član 5.
(Način ostvarivanja prava i postupanje po zahtjevu)**

- (1) Sredstva sa budžetske pozicije predviđena za ove namjene dodjeljuju se na osnovu javnog poziva koji se objavljuje na web stranici Općine i ostaje otvoren 15 (petnaest) dana, a sa ciljem utvrđivanja statusa i broja korisnika.
- (2) Iznos stalne novčane pomoći će biti utvrđen u skladu sa brojem korisnika i raspoloživim budžetskim sredstvima.
- (3) Novčana pomoć utvrđena ovim Pravilnikom dodjeljivat će se na osnovu podnesenih zahtjeva, a u skladu sa objavljenim javnim pozivom.
- (4) Zahtjevi za ostvarivanje prava na novčanu pomoć podnose se službi nadležnoj za poslove iz oblasti boračko invalidske zaštite putem protokola Općine.
- (5) Služba je dužna u roku od 30 odnosno 60 dana od dana podnošenja riješiti zahtjev i o tome obavijestiti podnosioca.
- (6) Lista korisnika će biti javno dostupna na oglasnoj ploči Općine.

- (7) Dokumentacija koju je potrebno priložiti uz zahtjev po objavljenom javnom pozivu biti će navedena u posebnom obrascu koji će biti dostupan na web stranici te info-pultu Općine Centar Sarajevo. Zahtjev za ostvarivanje prava čini sastavni dio ovog Pravilnika i isti se može mijenjati neovisno od odredaba Pravilnika.

DIO TREĆI- KRITERIJI I POSTUPAK DODJELE

Član 6.

(Lica koja ostvaruju pravo)

- (1) Pravo na stalnu novčanu pomoć u skladu sa ovom Odlukom imaju sva lica koja imaju priznat status:
1. Borca/branitelja Bosne i Hercegovine;
 2. Ratnih vojnih invalida i njihovih porodica;
 3. Članova porodica šehida i poginulih i nestalih boraca/branitelja i umrlih ratnih vojnih invalida;
 4. Organizatora otpora;
 5. Veterana/prvoboraca;
 6. Članova porodica umrlih demobilisanih boraca;
- (2) Sa borcima-braniteljima, u smislu ove Odluke, izjednačeni su u pravima učesnici narodnooslobodilačkog antifašističkog rata 1941- 1945. godine, čiji je status utvrđen rješenjem nadležnog organa.

Član 7.

(Stalna novčana pomoć)

Uvjeti za ostvarivanje prava na stalnu novčanu pomoć na osnovu ovog Pravilnika su :

- a) da podnosilac zahtjeva ima prebivalište na području općine Centar Sarajevo;
- b) da je podnosilac zahtjeva lice definisano članom 6. ovog Pravilnika;
- c) za demobilisane borce da su proveli minimalno 12 (dvanaest) mjeseci u Oružanim snagama ARBiH;
- d) da ukupna primanja porodičnog domaćinstva podnosioca zahtjeva ne prelaze iznos od 30% minimalne penzije ostvarene u FBiH prema posljednjim statističkim pokazateljima, s tim da se kao primanja ne računaju primanja ostvarena po osnovu prava na topli obrok putem Javne kuhinje;
- e) da nitko od članova porodičnog domaćinstva podnosioca zahtjeva nije vlasnik preduzeća, samostalne ili dopunske djelatnosti;

Član 8.

(Prioriteti prilikom ostvarivanja prava)

(1) Prioritet prilikom ostvarivanja prava na stalnu novčanu pomoć imaju:

- a) lica koja su bez novčanih primanja, a korisnici su prava na topli obrok putem Javne kuhinje;
- b) lica koja su bez novčanih primanja;
- c) lica čije domaćinstvo broji 2 ili više članova;

(2) Prilikom sačinjavanja Liste korisnika stalne novčane pomoći u obzir će se uzimati i ostale okolnosti koje ukazuju na veći stepen stanja socijalne potrebe i to: starosna dob, stepen invalidnosti, vrsta oboljenja, uslovi stanovanja, materijalni status, broj članova porodičnog domaćinstva.

(3) Nadležna služba za poslove iz oblasti boračko invalidske zaštite na osnovu priložene dokumentacije vrši obradu iste za svakog podnosioca zahtjeva ponaosob, sačinjava Listu korisnika stalne novčane pomoći te istu predlaže Općinskom načelniku, koji daje saglasnost, a rješenje donosi nadležna služba za poslove iz oblasti boračko invalidske zaštite.

(4) Nadležna služba za poslove iz oblasti boračko invalidske zaštite zadržava pravo izmjene postojeće Liste korisnika stalne novčane pomoći ukoliko se utvrdi da se neko od lica na listi čekanja nalazi u većem stanju socijalne potrebe od već utvrđenih korisnika prava.

(5) Nadležna služba zadržava pravo da vrši godišnju reviziju ostvarenog prava u skladu sa utvrđenim planom rada.

(6) U narednim budžetskim godinama, Služba će korisnike uvoditi u pravo po službenoj dužnosti, a po osnovu Javnog poziva za dodjelu jednokratne novčane pomoći boračkoj populaciji, ukoliko se utvrdi da lica ispunjavaju uslove za dodjelu stalne novčane pomoći.

(7) Ukoliko se utvrdi da nisu ispunjeni uvjeti za ostvarivanje prava na stalnu novčanu pomoć u skladu sa odredbama ovog Pravilnika, podnosilac zahtjeva će o tome biti obaviješten aktom nadležne službe.

(8) Lica koja ostvare pravo na stalnu novčanu pomoć ne mogu ostvariti pravo na jednokratnu novčanu pomoć iz nadležnosti Službe za boračko invalidsku i socijalnu zaštitu, osim u slučaju pružanja novčane pomoći za liječenje van granica BiH.

Član 9. (Isplata sredstava)

(1) Stalna novčana pomoć dodjeljivat će se isplatom na tekući račun korisnika putem nadležne službe za finansije.

DIO ČETVRTI- ZAVRŠNE ODREDBE

Član 10. (Stupanje na snagu Pravilnika)

Ovaj Pravilnik stupa na snagu narednog dana od dana objavljivanja u Službenim novinama Kantona Sarajevo, a isti će biti objavljen i na Oglasnoj ploči i web stranici Općine Centar Sarajevo.



Broj: 10-11-4412/22
Sarajevo: 14.07.2022. godine.